

Nouvele amour qui si m'agree

Transcribed by Taija Paju

from Recueil de chansons du XIIIe siècle, manuscript in the collection of Gallica (gallica.bnf.fr)

Rogeret de Cambrai (13th Century)



Las ie sui cil qui merci cie
Sa douce amie bonement
Por Dieu quele ne m'oublit mie
Ie sui en son commendement
Ma douce amie ne creez mie
Mesdisanz qui vont despisant.
Mes cuers se fie en vous amie
Pour Dieu ne l'alez destraignant.

Pour li fas sonner ma viele
Tant doucement et main et soir.
D'un douz penser qui me resveille
Des biens qui ie soloie avoir
Coirtoise et sage et cler visage
Onc de mes euz plus bele ne vi
Se vostre amour ne m'assoage
Ie ne vous quier metre en oubli.

Dame oncoz ne me puis ie taire
Bien le di devant toute gent
Dame ou il na riens que refere
C'il qui vous aime loiaument
Celui vous prie soiez s'amie
Car il ne puet vivre autrement
Ia en savrie n'aura en vie
fors que destinée a vous ligement.

En chantant douce amie gente
Vos pri merci tant doucement
Car en vous ai mise mentente
sanz vous ne vivrai longuement
Dame tres sage de brav corsage
Du tout entout a vous me rent
Tout mon aage cuer et corage
Vous otroi dame entierement.